

BIRO

15-07-2022

Prim		
Org		ost
15-45-5-713/22		

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKA IZBORNA KOMISIJA
Broj: 080 – 21/22
Datum, 15.07.2022.godine

**Zavod za zapošljavanje TK
Poslovnica Kalesija**

Predmet: Zahtjev za pomoć u angažovanju nezaposlenih lica koji se vode u evidenciji Zavoda za zapošljavanje za članove biračkih odbora, dostavlja se. -

Poštovani,

Centralna izborna komisija Bosne i Hercegovine je donijela Odluku o raspisivanju općih izbora koji će se održati 02.10.2022. godine.

Općinska izborna komisija Kalesija (u daljem tekstu „OiK“) provodi izborne aktivnosti sa ciljem što uspješnije pripreme uslova za održavanje općih izbora, a neke od aktivnosti su i imenovanje predsjednika, članova biračkih odbora i njihovih zamjenika (U daljem tekstu „članovi BO“).

Članom 2.1 stav 3. Izbornog zakona Bosne i Hercegovine.(»Službeni glasnik BiH«, broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) propisano je,

"Svi organi vlasti na svim nivoima i zvaničnici u Bosni i Hercegovini i diplomatsko-konzularnim predstavništvima BiH obavezni su pomagati organima nadležnim za provedbu izbora."

Prilikom provođenja izbora postoji ozbiljan nedostatak lica za članove biračkih odbora, a u izbornim ciklusima od 2014. godine posebno izražen taj problem na području najvećeg broja osnovnih izbornih jedinica pa tako i Kalesije, sve veći broj lica koja iz različitih razloga nisu u mogućnosti biti angažovana, a u općim izborima je to još više naglašeno, a OIK Kalesija je raspisala javni oglas za angažovanje lica u biračke odbore na koji se javio mali broj kandidata.

U svim lokalnim zajednicama izražen je nedostatak lica za rad u biračkim odborima te Vam se OiK u cilju obezbeđenja lica za formiranje rezervnog spiska lica koja bi bila angažovana u biračkim odborima, u skladu sa članom 11. stav 3. Pravilnika o utvrđivanju kvalifikacija i postupku imenovanja članova biračkih odbora (« Službeni glasnik BiH», br. 27/22), obraća da, ukoliko ste u mogućnosti, pomognete u angažovanju nezaposlenih lica koji se vode u evidenciji Zavoda za zapošljavanje za članove biračkih odbora.

Pomoć bi se ogledala u obavještanju i animiranju nezaposlenih lica koja se vode u Vašoj evidenciji da se prijave OIK Kalesija za rad u biračkim odborima za provođenje općih izbora koji će se održati 02.10.2022. godine.

Uslovi za imenovanje:

Opći uslovi:

1. Prijavljeni kandidat je osoba s pravom glasa.
2. Za člana biračkog odbora ne može biti imenovano lice (član 2.3.Izbornog zakona BiH) :
 1. koje se ne može kandidirati u smislu odredbi članova 1 .6, 1 .7 i 1 .7a Izbornog zakona BiH;
 2. koje je član najvišeg izvršno-političkog organa političke stranke ili koalicije(predsjednik, potpredsjednik, generalni sekretar ili član izvršnog odbora ili glavnog odbora);

3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
4. koje je kandidat za izbore za bilo koji nivo vlasti na (Općim izborima 2018. i Lokalnim izborima 2020. godine); i
5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi:

- da ima najmanje završenu srednju školu, odnosno III, IV, V. Stepen stručne spreme,
- da ima prijavljeno prebivalište u općini/gradu za koju je objavljen javni poziv.

Potrebna dokumentacija:

1 . **prijava na javni oglas (popunjen obrazac SG-3)** - koju dostavljamo u prilogu a ista se može preuzeti u prostorijama OIK u zgradi općine Kalesija.

Naknada za angažman nezaposlenih lica na dan izbora vršena bi iz budžeta institucija BiH a u skladu sa Odlukom Centralne izborne komisije Bosne i Hercegovine o visini naknade za rad biračkih odbora u BiH na provođenju Općih izbora 2022. godine.

S poštovanjem.

PRILOG: Obrazac SG-3

Dostavljeno:

1. Zavod za zapošljavanje TK, Poslovnica Kalesija
2. Arhiva



PREDSJEDNIK

Hajrudin Huseinović, mr. prava